

俗躋唐虞

送盧思敏歸天台

天台山高四萬八千丈神仙之徒往往窟宅乎其
間我嘗探竒恣玄覽直上絕壁窮躋攀松風流水
聲瑟瑟桃花玉洞春漫漫曾逢兩仙人對奕猶未
殘毳毳白髮長被耳千二百歲如童顏手携綠玉
杖劍佩黃金環見我拂衣起念我行路難問我何
從來延我啓重關授我長生訣餌我金霞丹餐松
啗柏飲沆瀣伐毛洗髓滌肺肝吁嗟凡骨不易脫

失身又復歸塵寰始知神儒有術終不可以遽學
使我夢寐至今夜夜空與相往還盧郎天台人縛
屋天台下年少事遠遊仗劍歷中夏才華擅文藻
富貴若土苴曳裾耻王門望雲念親舍浩然欲歸
養卽日具鞍馬上堂奉旨甘載拜獻杯竿適此舞
綵歡勝彼途路者父母見子歸喜氣揚雙眉親戚
饋壺漿隣里將豚鷄惻藉遠歸人老幼咸熙熙但
諳風俗淳不識亂與離因君重念山中好歸來已
覺輸君早汨沒塵埃徒我慚憔悴形容漸枯槁今